

今白華堂詩錄

今白華堂詩錄卷七

近體詩

鄰翁為兩女同日招贅乞小詩書幃

新炊取次熟胡麻一室安排作兩家知是洞門劉阮到月
明仙犬吠桃花

題畫

早朝歸去路逶迤深巷誰家起獨遲一樹垂楊罨妝閣美
人春夢曉鶯知

出都後在途月餘口占雜詩至華陰行館錄成一帙
凡四十三首

錄八首

寢殿西冷豈首邱蕭條故里黍禾秋欲知半壁江山恨舉

目相州似汴州

湯陰岳鄂王故里

故園風味久相思誰把淇園筍束貽喜動慈顏轉忘食

手披寒玉一枝枝

信陵禮數孝王恩取士都成賓客尊若把賦才較奇節梁

園人物遜夷門

連雞六國勢誰禁刎頸侯生計獨深卻得秦軍制秦帝荆

卿意氣魯連心

虎狼心懾笑談餘擊缶終教御史書但解題橋誇富貴文

人空自慕相如

英環當即古澠池

北陵風雨走青蛟
暗壁藤蘿曳翠旂
卅五里程天一綫
蟻

封盤馬出雙嶠

磁中當即古嶠道

束馬懸車跋履艱
天教重險護秦關
應知九國屯師日
已把欽岑號此山

石硤

平疇遠水介關津
六枳籬邊柳色新
田舍尙傳風味好
一

盤青豆漢家春

盤豆

贈楊誠村總戎

芳

十載楊無敵
華夷仰大名
誰知戎馬上
談笑一書生
此日登堂拜
慈親識面驚
風蘭三數筆
披拂塞塵清

君家老戎帥

謂時齋提軍

相向屹長城
勦各三邊重
身仍百戰

輕封侯期李廣絕世歎花卿明日蕭關去雲沙萬里平

乾州

出郭懸崖陟幾層扶風左界問乾陵穹碑沒字應如舊盍
把文章借駱丞

抵監軍鎮後行程日高知已在隴上矣

一斑略見莽乾坤西顥迎人上浩疊雞鹿塞程開下界虎
狼國勢入平吞赤須阪近風煙古黃巷亭遙氣象尊自昔
華戎劃天險百王於此紹荒屯

踰安國鎮而西俗謂之窮八站

夕陽低處是金城西去窮荒八日程極目河山愁紫塞側

身天地愧蒼生
鑿坯煙斷飢
餓死陰壑風迴瘦馬驚道渴
何人貪一勺可憐窖水不能清

宿隆德驛

阿陽寒色滿征輶
四月披裘更試貂
誰道猶煩慈母綫
一燈華館夜深挑

西鞏驛和壁閒韻

東風畫出蘭山道
千疊坡陀萬種花
都似玉顏臨塞上
斜陽無語恨琵琶

登望河樓攬金城關白塔寺諸勝

萬國梯航赴一門
層樓旁峙節旄尊
穿雲白塔當窗見
挾

雨黃河繞郭奔星際浮槎無漢使花閒吹笛有羌村金城
霸氣銷沈後西魏南涼總莫論

登白塔

雙旌迢遞轉虹梁絕壁浮圖聳大荒杖策徑淩飛鳥外振
衣長嘯亂雲旁空山白日非人世下界黃河出道場回首
誌公來去路西天終古影茫茫

展墓歷五嶺及潘畧茶園諸山

墓廬三宿意淒迷更陟重岡西復西松風有影墮松鼠竹
雨無聲啼竹雞半生行迹何處認四望遙空如此低惟羨
旧家老孫子長依親壘把耕犁

過龍住寺

樓前山色青春煖竹外谿聲白晝寒如此谿山奈綠淺十
年重過一憑闌

樓桑村

織履英雄羽葆車樓桑五丈拂雲衢曹家蠶食應難盡還
有成都八百株

龍氣纔騰虎氣揚桓侯故里近相望君臣崛起同桑梓一
例高皇任舞陽

任城兄楊花有感

奉使虛隨濟上槎憑教流水送年華一番春事恁恁記來

見桃花去柳花

過柳下惠墓下

古柳尙和風鄉賢孔孟崇貴誰侔一壟介本藐三公降志
中倫慮與偕忘阨窮臧孫能不忘展喜已成功

顏廟

龍鳳當門翠蓋張也應數仞論宮牆當時天不生高弟異
代人誰識素王道著馨山餘彷彿坊題陋巷轉輝煌怪他
謬附青雲者文立何人更董常

泰山

長白山根走入海出海還為泰岱峰王氣蔥鬱萬萬古東

力雨朵青芙蓉天門日觀夜先曙玉牒金泥誰始封今代
方知

帝出震中原嵩華盡朝宗

消寒第一集賦得披裘

催開篋笥肅霜辰一腋千羊總莫論祇對鶉衣成愧色未
嫌鶴氅助丰神豪曾貰酒寒曾釣輕過吹棉煖過春綬帶
最宜梅影畔和風和雪裏吟身

第二集賦得愛日

紙窗紅煖悅吟魂坐減庭前積雪痕獻曝敢忘寒士意近
人彌識太陽恩添來繡綫光陰好到處茅檐笑語溫只恐

嚴風乘夜起關心鑪火是黃昏

曹南途次

沙晴驛路藉春莎驄馬紅旌燕雀猜此地開疆聯宋魯有

人懷古到伊萊

伊尹墓萊朱墓皆在曹

城垣隱約隨雲去隄埽縱橫

佇馬來添得清明煙景好萬枝水柳認新栽

赴鄒縣查災途中作

征塵未洗劇慇懃壤接災區馬首東翻把趨程當清暇一

輿一蓋月明中

虛說春郊麥雨歧啜廬懸耒共啼飢倉儲可發憑誰告自

昔鄒民患有司

進省

番番汛後馬蹄忙
認取前途又夏張
聽罷河聲看嶽色
年來情緒總蒼茫

陳雲伯以齊宮篇見示廣之為七律八首

楚宮

歌罷南風霸業收
渚宮漠漠楚天秋
桃花夜雨遺春恨
香草空江動古愁
絕代詞章雄戰國
當時土木失諸侯
細腰留得三千在
更上咸陽歌舞樓

吳宮

援鼓黃池戰士驚
姑蘇一夜火雲燒
苑邊花鳥春難駐
臺

上湖山日易銷敵有青娥當國士軍無白馬鬪江湖夫差
終免降王辱謝絕句東氣尙驕

秦宮

東南王氣壓沙邱望幸蛾眉意未休鄴國有心司筦鑰函
關無地控咽喉夢中樓閣悲禪蝨馬上烽煙戲沐猴誰料
詩書燒未歇炎炎餘火竟難收

魏宮

漳河浪送一朝終受禪臺高尙鄴中涼墮金仙宮輦月香
銷銅雀舞衣風當塗神算遺司馬定鼎雄才愧伏龍再世
山陽仍守土劉康親見霸圖空

齊宮

鳳度三橋入帝畿
龍樓正試鷺縵衣
華鐙合殿仙雲起
橫吹空城獵騎歸
終見玉兒收大市
竟無銀弩解長圍
年年閱武堂前柳
自向東風作雪飛

陳宮

羣鳥啾啾喚奈何
黃奴猶自擁娉娥
南朝王氣銷詩酒
北府潮聲殷甲戈
高閣金釵春夢短
後庭瓊樹落花多
劇憐宮井餘生在
無限江山入醉歌

隋宮

錦帆千里不思家
板渚垂楊冒翠華
五夜長星一杯酒
二

分明月六宮花鮫冰絕島征魂斷螢火中原腐草賒曾恨
獨孤遺禍水易儲大計竟誰差

遼宮

乙室何關漢相蕭都充華胄為嬪遼乘龍紫塞興三殿射
虎紅妝震百僚轉撫帝巴仍北國冊尊叔母遞南朝惟嗟
薄命迴心院瓊島秋風恨未銷

過濟甯望太白樓

金龜賀監去千秋宮錦仙人引鶴遊應笑四明餘俗客任
城十度未登樓

暫赴曹工途次示胡觀察

祖福

六月長征那避敵知君未免嘒賢勞衣邊青嶽雲痕溼帆
底黃河浪影高要識艱虞需我輩合將遊宴付仙曹功名
易逐年華逝旅邸相看各二毛

監試武闈

步騎聯翩內外圍萬人翹首望掄魁雕弓影挂天邊月畫
鼓聲喧地角雷迺日封圻需將帥他年弟子幾旌麾慚非
隨陸還無武微幸鷹揚宴席陪

鐵公祠

三月北平烽長圍屹四塘睢陽同扼敵歷下獨全鋒靖難
紛功狗殲忠恣毒龍湖蓴薦祠宇士女涕霑胸

鵲華橋放舟過歷下亭

鵲華橋外早涼天
金色斜陽沸亂蟬
亭古未銷丹粉盡
權輕時向碧雲穿
晚荷香氣招名士
秋柳吟懷讓昔賢
獨羨明湖工自晦
琉璃萬頃半蘆田

寒食

年年寒食苦思家
幾向春明擲歲華
消息故山歸去好
杜鵑聲外杜鵑花

別京寓

讀書命世有平生
一往難回古性情
盤錯原知天意厚
句留無那俗緣輕
夢中雲霄樊籠鳥
劫外風漂瀚海萍
欲上

柴車轉惆悵舉頭帷幄在西清

假歸程次有作

上林容百鳥噪鶴下高枝通潞逢羈客迴翔共此時西風
征思急南國漕行遲且俟檣烏發旗亭酒不辭

名氏 中朝籍舟車故國程

主恩終不薄吾道竟何成攬鏡頭將白還家夢亦清漁竿
江海上從此悟浮生

兩月阻入境休云世可逃有時登野岸隨意步亭皋羊曼
任呼鷖次山還學鰲荒途遇榛棘惜未斧柯操

每日移鄉縣衣冠認水隈短襦豪客逝長袷舊儒來樹綠

今日事蹟錄卷十
迎雲屋橋紅映翠臺南州風景別笑口共兒開

到家

苦投世網促衰殘二十年來一剎看官職聲名都過了從
今眠食得心安

奉化鄭氏莊晚眺

鄞江權至笑開樽晚霽衡茅散積昏山擁竹光臨野岸谿
流梅影出橋門浮圖盤鵲雲中寺荒徑驅牛月下村明日
籃輿向何處薄湖別又一乾坤

晏起

海東曾臥幾先哲賀監當前是我師兩歇春城炊黍候日

高醒枕憶書時市聲浩浩眠逾穩世事悠悠夢易離
跂腳還應慚老屋津梁廿載竟忘疲

同陳範川太史同年 鴻輝 遊天童寺

寶幢東去是招提平楚朝霞入杖藜 舟行至寶幢登陸 茶薜香蒸

山市煖鵲鳩聲壓海天低泉能定性清歸簞草不知名
綠占畦十里松風巖際落午鐘杳杳度前谿

星精下燭破塵昏初地千年法嗣尊僧與天龍分窟宅
客隨雲樹到山門半生劫退思禪定一晌心空識佛恩
更指蒼屏最高處藤蘿欲向雨中捫

晚經阿育王寺宿玉几山房用次前韻

卅里煙嵐盡欲昏玉屏開處鄧峰尊渡江司馬祇留剎歷

劫潛虯還守門寺初於晉山門外晉松尚存慧業故應參舍利範川欲觀舍利

塔舊題漫共說慈恩茶餘且玩僧寮月出嶺清光似可捫

浮邱社

挹袖嶠風圓幽尋共蜨仙一村丹藥竈五月菊花天犬吠

雲中寺人耕屋上田正逢椰酒渴敲石煮星泉

肇荔亭

楓亭移向白鵝池留得仙人住海湄隔繞曲闌花霧合波

橫長約柳風敲探春買夏髻蘇客重碧輕紅老杜詩好把

新篇答漁唱早荷天氣荔丹時

粵王臺

巋然古址等秦城西拜當年記息兵五嶺衣冠歸帝域千
金談笑付書生海邊墟屨樓原幻岡外呼鸞道尙橫豈獨
滄桑論霸業漢家陵闕暮雲平

逍遙臺

漫說逍遙在此遊韶州宦迹忤楊州連天溟漲鯤難化照
水梁空燕易愁一頌身名歸岸獄六朝人物感蠻陬雞臺
螢苑今何似目極荒煙蔓草秋

釣魚臺

碧海鯨魚跋浪開櫻鱗一疏竟生災三門灘激垂竿隱八

代瀾迴擲筆來南指風雷驅鯨勇西瞻雲霧謫龍哀淮陰
寄食陽山竄終古韓家兩釣臺

妙高臺

玉宇瓊樓隔九重南來瘴海認前蹤月明流水橫江鶴夜
靜深山古寺鐘一夢因緣通夙慧三生爾我訝相逢當時
惜未親留帶供養須圖笠屐容

東園晚步

百年過半生何補九月初三夜可憐夢斷關河枯樹外秋
深懷抱菊花前漢廷經術終垂世楚國騷人枉問天話到
鄉園一回首藤蘿已映月娟娟

季真自合稱狂客元子終當作漫流有分名山從著述何
心宦海更沈浮南枝上月烏三市西日頽煙貉一邱坐愛
宵長閒論史青燈涼入井梧秋

英德道中卽目

全峽一鷹石萬古不肯翔欲攫南溟鯤側翅捎穹蒼
密極疑非竹蒙叢暗碧汀出梢三兩葉特地映空青
千尺白衣像觀音巖白石削成臨水立宛然大士像垂空瓔珞多遙憐巖底
寺大衆老雞窠

磯石靜兩岸鷗鷺寒一船春痕入新霽新水學生煙

示兒

三年取次促槐黃新歲陳編覺爾忙問字且須拋此刻吟
邊煙水正蒼茫

飲東鄰聞某制軍枉過感而有作

年時涉世總疎頑但共鄰家一往還手未拋書猶慮俗心
非對酒不能閒宦情似水終歸海秋夢如煙只抱山此日
廬中無管樂何勞車馬向柴關

柬朱虹舫閣學何仙槎祭酒兩同年

容易蓬山隔萬重自淪塵海只潛蹤騷人奇服誰同好上

帝高居我欲從暫趁煙波鷗社結

來歲將就月
湖書院一席

還防風雨

鳥巢逢竭來省識番夷豈敢效芻言備采葑

湖心謁賀祿監祠

浮空島嶼即瑤臺珠樹當年獨鶴回采石不邀狂客去鑑湖應有謫仙來千秋知己風塵絕一代詞宗禮樂開宦迹任城追步否瓣香祠下重低徊

喜同年繼蓮龕方伯見過即次其見贈原韻

國計從容極翻成訪戴行一湖卿月滿卅載鬢霜更蓬華戀君話水雲知我情春霖隨節鉞應復達江城

張棠村太守

業南

見贈七律二首次韻和之

清時漫惜不材匏擊壤春農有樂郊匡鼎功名勞抗疏虞翻骨相枉吞爻

棠村於李石泉觀察座中述余為御史時事並言粵城虞仲翔祠始末

人情

未免愁風雨

時積雨

天性原知近草茅卻為君詩感虛負廿

年心事句中包

五湖春水白鷗前

用舊句

何處紅塵問一鞭世事覺來如客

夢才人回向是詩禪相逢魚鳥皆親耳獨樂琴書祇歉然
話到千秋同放眼海南天與海東天

題明倪文貞畫蘭石張忠烈書江上聞笛詩合卷

自寫中朝壁立身著來勁草倍精神攀髯終齎勤王志砥
柱橫流待後人

水龍鳴咽暮江空裂石聲飛七字中直到包胥無哭處死
吾分也較從容

掩關

掩關不是卻塵纓
竟日稀聞剝啄聲
半畝果蔬占歲事
一庭兒女驗人情
湖生春水綠環舍
樓揖晚山青
入城已趣
聲鹿門人上冢
畫船簫鼓逗清明

晚歸

回首四山遠
黃昏失翠微
市燈明水郭
簫鼓畫船歸

觀日樓遠眺

東臯農事樂如何
此日乾坤有荷蓑
白眼時時看天海
青雲滾滾逐風波
對門鼉戴方壺景
當檻烏鵲若木柯
欲仿丹青李昭道
須防誤筆近歐羅

寄南安敏太守

德

聞昔秦公緒移家九日山

前歲晤及會為余語此

仙寰如好在高躅

願追攀要使夷氛隔方宜客性閒清宵南斗下消息訊梅關

題珠湖漁隱圖為阮生

亭

湖中有明月白雲與俱上明月何徘徊白雲何惆悵
披圖見心迹彼我皆依稀季鷹亦誑耳豈為鱸魚歸
用世須經綸濟人須舟楫吏隱不如漁漁具便取給
珠湖珠似月月湖月似珠清輝共千里努力爭須臾

慈谿訪盛氏半園宿一鑑軒

秋心抱山影野步躡谿煙吾欲問高隱斯人殊邈然琴書
塵外劫花月鏡中天鶴語夜來聽鑪香清不眠

鎮江渡口

潤州城畔路彎環秋樹撐空綠未刪問渡西津風正急山
如奔浪浪如山

別康山

又踏城隅白板橋隔年別夢暗相撩揚舸載酒出瓜步鐘
動邗溝起暮潮

揚州康山草堂晚坐東福竹也嵯使鄭夢白都轉
一簣城隅故未移荒藤叢篠碧參差衣冠社事空前輩梅

柳江春異昔時侵慢池光疑上月佇檐鶴意似聽詩誰知
寂寞淮南客消息關心到度支

遊雷塘

夢破紅橋春水香菜花時節問雷塘簫聲十里珠簾外金

粉山川半夕陽

前一日遊紅橋桃花庵
見有菜花因約為此遊

憶香山舊直寄姚亮甫中丞龔闇齋觀察兩前輩

鳴珂瀛苑記聯翩駐馬剛聞曉漏傳落月山圍前代寺東
風人語柳花天即今簪筆稀前輩依舊憑闌幾少年同在
江湖話天上知君夢繞翠微邊

北上渡錢江用戊午韻

吳頭越角最魂銷客路三千自此遙
畫裏江風蕭照樹夢中秋雪伍胥潮
中流擊楫心空壯早日離家鬢已凋
卻羨吾鄉南宋士片帆飛渡即京朝

自揚州至清江浦

征橈遙發綠楊城玉笛西風第一聲

起程日
立秋

白雁漸肥人

漸瘦江湖秋影日分明

詠寓齋白梅

客窗梅樹下坐臥總花光月出欲爭白
山空惟有香

今白華堂詩錄卷八

近體詩

積雨經旬登觀日樓遣興

梅炎銷盡雨漫漫龍氣涵空入縱觀低壓城垣千嶂暝遠
吞江海一湖寬泊舟門外高於舍奔溜檐前急似灘遮莫
珠塵溼窗牖呼來晚飯共書攤

書張子白刺史梅屋詩鈔後

十年外吏一詩無往日才華竟就枯書生失計那逾此重
攬遺編為感吁

登樓

新爽襲人腰腳輕雨餘一暢登樓情樓窗風起白雲捲瞥見隔湖山入城

述懷寄答顏魯嶼方伯程晴峯觀察

紅樹青山夕照留黃塵烏帽逐番休癡頑人說馮長樂岑寂天容許散愁多事塞翁偏得馬忘機海客早盟鷗呼盧一笑傾孤注回首風煙萬里秋

以放翁詩授華兒作此示之

俗人猶愛是公詩快閣希蹤更有誰風月儘三千首寫心

情後五百年期大儒遠鑒名當畏

朱子嘗言放翁聲名太高恐被人牽挽後韓侂

甫果欲強致之不得已為作南園問古泉記深以為恨

小雅哀音世可知老去增年

共惆悵劍南春草似湖湄

歲暮口占

家居節序覺分明
簞斗唐花饋歲情
兩樣風光虛作合
牡丹穠豔竹梅清

寒怪風雲增氣色
老憑詩酒作生涯
燈前歲品調兒女
分

與香錫看膠牙

余齒於去年落盡

數行殘歷檢頻頻
埽舍移牀要吉辰
忽逗閒心話騷客
孟陬來歲是庚寅

紀夢

爆竹六街喧趨朝馬不前
家人呼夢醒酒在臘燈邊

晚過陸氏小園

放櫂凌煙波攜筇問桑苧
徑風吹雪過隔竹聞人語
深叢寒翠凝斜照淡紅抹一蜨忽飛來滿園春影活

對酒同張心初茂才

填

昨歲樽前客黃壚又幾人
浩歌天地闊野服往來親
湖碧橫窗夜燈紅細雨春無勞
問巖穴塵海已拙身

同人小集知止足齋

畫出春風影

前日立春

辛盤獨夜燈遲人升渚月

遲簫樓不至

開閣

墜檐冰酒濁消清話年新
感舊朋猶能輕少壯華髮興飛騰

午日

龍鱸鳳艦瀛洲遠
澤畔閒吟弔屈詩
自古憂讒須遯迹
此邦競渡亦逢時
迎秋麥氣薰三島
絕代蘭芬冷一卮
攬鬢蒲筵非昔日
笑人當戶海榴枝

與及門李起賓茂才

炯夜話

減衣節食免營求
持儉今將鄙客侔
除是子魚家散盡
能教清望屬龍頭

頻勞車馬駐湖濱
疏館非關慕隱淪
祇恐柴桑花笑我
歸來還是折腰人

多謝吟壇憶舊知
枕函還入早年詩
其如月旦爭持日
不

是風流自賞時

夜坐將理舊業聞秋聲有感

秋燈辛苦照梅臈秋恨撩人不可芟賺得渥丹成槁木一
編著作一條銜

晚坐示起賓

月氣夾霜氣秋人坐水中須知濛谷外纔喜夕陽紅

題錢武肅王還衣錦鄉圖卷為錢蘊巖上舍

茅山龍起虎狼秋石鏡真容兆冕旒旋見藩封歸玉冊直
從井里拓金甌宮中圓枕回鄉夢陌上雕輪感昔游漫與
重瞳論衣錦歌風勝慨已追劉

英雄自古重還鄉逐鹿何如守一方三度林巒頻覆錦

吳按

越備史書巡衣錦營及百年父老幾飛觴儀分羽箭浚煙

衣錦城衣錦軍者凡三百年父老幾飛觴儀分羽箭浚煙

閣天福元年衣錦營大會故老賓客令轉犀軍捍海塘

梁開

真王

龍飛鳳舞青山在虎落蛇鄉白板空

宋周文璞為姜堯章作金塗塔歌有蛇鄉

虎落狗腳朕何如錦袍玉九國縑圖拋粉本十洲心史託

帶稱功臣之句見方泉集九國縑圖拋粉本十洲心史託

神工足為後人粉本實父但繪此幀蓋有意去取也金

塗並見修羅相絲繡難酬保障功天朗日暉憑展卷依稀

歌嶺碧雲中

還鄉歌曰碧天朗朗今愛日暉

朱門難得後人賢文采風流到處傳

曩在京師曾於梅谿理問處瞻拜王像並

得讀吳越備史

半壁江山留故宅千秋鄉眷誦遺篇屬車舊惜亡

昭諫製還鄉歌時羅隱已卒

主觀今休問自然共仰錦袍球馬度輝

光重映浙東天

見詠梅詩有感

高士山中臥何曾識世情移將就東閣題詠到和羹春信
誤先寄冰心誰共盟襄陽跨驢後林隱與雙清

東同人 十二月二十二日

有約須沈醉明朝我祭詩十年多難後一卷寫成時瓠葉
昔人重梅花生世期推敲都未定休被浪仙知

八月二十夜枕上作

月沈燈滅夜如年
斗帳無聲壓夢偏
已覺紅塵成隔世
此身渾在壙中眠

病中示諸兒

宣聖示知幾
伯陽訓知止
未死語申詳
吾今其庶幾

與及門馮膺甫上舍

貞祐

泛櫂慈谿

山城水郭總春陰
卅里輕舠共瘦吟
荒野何堪詢歲事
菜花難覓似黃金

城西望仇氏小園

秋影涵菱池
夕陽隱詩屋
無人之字巷
一犬吠深竹

湖上懷舊

荷柳相招不厭頻
段家橋畔恨前塵
盛年遊從今誰在
贖有湖山是主人

歸渡錢江遇險

急裝未暇慮前途
解纜方驚闊岸紆
小艇半敲風力陡
秋江三折浪痕麤
心輕蹈險堪垂戒
境值瀕危絕改圖
倖達津亭翻一喟
前宵後種只須臾

姚江舟夜

驚聞橋上挽舟行
曹墅橋沒入水中
蹶起推篷眼乍明
星月亂穿雲罅出
風濤徐向夢餘平
關心兒輩疲奔涉
回首名場罷

戰爭祇是哀鴻聲未歇浙東萬戶待秋成

齋頭

齋頭頗厭鵲喧晴綠野遙關望歲情醒枕曉來空萬慮雨

聲清入讀書聲

諸兒方曉讀

病起觀書樺香塾

窗西坐戀夕陽紅病眼摩挲一卷終小院晨昏爭燕蝠

蘇詩

奈何效燕蝠古人得失了雞蟲閒尋至味餘黃嬾寬假餘

年感碧翁伏枕兼旬重攬鏡依然頭腦認冬烘

秋霽

新霽添秋好空庭落日時苔被紫鳥迹葉墜胃蟲絲月氣

清宜酒風光澹入詩惟應陶靖節此夕是相知

西湖風景非昔詩以誌慨

記從弱冠歷仙區神化丹青迹未淪花柳長隄迴綵仗雲
山別館耀金鋪至今西子無梳洗自昔王蒙有畫圖四十
餘年來幾度一回攬景一回殊

虞帝廟

在百官渡口

廟貌靜江流江光動冤旒遺民若苗裔饗保永春秋地接
姚墟迴山函禹洞幽庭階羣后像輯瑞想巡遊

百官曉發渡江至裏梁湖

煙中人語響野渡亂橫舟岸影兼天轉江聲帶月流通車

瓜蔓地引擔木棉疇好趁蒼涼日飛帆鏡水秋

樓頭

頻聞櫓底響漁榔一碧煙波極渺茫斜日樓頭舒遠目送
他鷺影入湖光

南窗睡醒

誰與開窗納遠天遊山斷夢似輕煙夕陽西下月東上太
白金我隱几邊

庭下

庭下追涼傍碧梧藤牀移處日西晡風翻江海浮雲亂敲
枕愁看萬變圖

江淮道中示華兒

江天隱隱妙高臺
兩日西津問渡纔
擊楫中流餘慷慨
著鞭前路漫徘徊
蒜山瓜步重重記
帽阜孟城得得來
預想

充中生長地探香傳舍早梅開

傳舍指道署
華兒生於此

曉發東大道

雞鳴茅店啓柴關
殘夢悠揚轉轂閒
霜柝一聲天在水
風燈數點月沈山
平臨北斗長安近
斜出東蒙古戍閒
欲認歲寒亭畔路
須昌城郭曉煙環

夜抵南口

沙河斜日照沙明
漸覺蒼煙馬首橫
月黑一燈巖際路
虎

狼盜賊伺宵征

都門雜詩

石壇尋文聳丹房槐意頻催舉子忙

時賃東城根真武廟雨廡作試寓

為

我移春還有檻紫丁香遞白丁香

乙丑

恩榮到丙申春秋纔得紀三旬那堪重按登科錄

四海齊年賸九人

仙槎司空席上相與歎及

野亭迴望思悠哉菰葉風中殷若臺好是倚闌纔把酒西

山青過女牆來

題梅花谿上圖為錢梅谿

當年四海走王孫

君為吳越王裔孫

散落雲煙不可論卻使今人

難識面萬梅花裏掩柴門

舊遊卅載夢煙霞

君四十年前曾客甬上

重上春風舜水棹香雪一

枝臨海角無人知是古梅花

過郡署見牡丹落盡哀前守呂仲英同年

生芻薦後賸歔歔重過園亭舉目非富貴到頭原若此陽

春有腳竟安歸鯉庭陰薄淒朝露燕寢香銷黯夕暉好是

甘棠留蔭在郡人還夢迂鸞旂

君歿後有夢見導入郡廟者相傳已為城隍神

坐江船周厯城外

城影江三面山痕海一隅圖經開晉宋兵劫閱孫

恩盧循

物盛琛寶集時平斥堠無何人憂累卵夢憎寸心孤

九日詠野菊

滿城高會渺柴桑萬色秋花豔錦堂誰把籬根一樽酒荒
寒留得古重陽

年初積雨繼以大雪

連朝雨色昏乍喜窗影白推窗何所見平地雪踰尺

李曉園觀察

紹昉

枉過即邀赴署中晚酌

臺省叨前輩旌旄枉大夫時艱紆借箸情重合傾壺檐霽
雪痕淺窗虛梅影孤酒酣話兵備燒燭檢陰符

家食

歡然家食具盤飧圍坐諸兒捧幼孫卻痛先人無此樂

暮年獨子曠晨昏

晨起

晨起披衣看殘星尚有無昨宵成遠夢舊侶滿皇都已
矣名難沒傷哉道益孤異時巖谷下棟折望誰扶

九月十五夜慈雲庵

華兒等殯其生母於此

對月感懷

引杯看劍漏初殘雲淨當空見玉盤潑水秋光驚戶牖憶
花心事上闌干宵澄無那天邊遠世亂何如地下安知否
深閨小兒女一番道路歷艱難

荒園半畝暫栖遲不是蘆簾紙閣時人在西風悲落葉夢
隨寒螻冑空枝驚魂魑魅妖烽惹衰鬢姮娥曉鏡知願與

萬家共安枕其如上將偃牙旗

遭亂雜感

津口船無數篙師喚不前
半村三五里一櫂十千錢
骸誰人禁探丸到處傳
吾廬乍回首栖宿競鳴鳶

幽境堪容迹斯人肯穀無立時
高酒價逐日益魚租似欲
等奇貨何嘗非故都
方知箕穎好生世在唐虞

遼海風雲色頑仙指墨痕
無人一間屋兀立在荒村

幅景極荒涼出自遼東亂筆
劫外此非想世中吾尚存
強移栖息地坐

對欲聲吞

檐雨夜生秋添來客枕幽
舉家皆善病老我只工愁
夢亦

傳烽火炊將薪劍矛飄零渾不恤更辦剡谿舟

樓窗午望

青山紅樹午陰中手拓樓窗俯視空
杭稻一畦飢鳥下喜無彈射與樊籠

聞兵至

橫塘鈴騎捲飛塵消息傳來怕未真
疆場輿尸連數省廟堂推轂到何人
天生將種黎元望霜厲軍威肅殺辰
不是騾姚持使節何緣先慰苦吟身

枯坐次前韻

十月繩牀未掃塵泊然枯坐保吾真
張羅門巷并無雀爭

席谿山偏有人目送波迴楓葉港心驚秋老菊花辰藍田
高會煩追想等是衰年避地身

臘日感懷

提攜老幼歷關河窟室蘭成一浩歌亂定人歸生計少臘
殘雞唱死聲多慮深軍國籌難展問到皇天壁屢呵縱目
三城氛祲滿元戎何事不揮戈

檢行篋得木蘭紀遊草及小驂鸞集舊稿二種

四海何人問白頭餘生局束似牢囚聊將雁塞羊城句一
溯平生汗漫遊

整理殘稿示兒輩

頭顱如許歲還新異地干戈影裏身敝簾倒傾書蠹在寒
燈敲照壁蝸親豈應萬事猶關我未忍千秋竟讓人祇恨
為儒徒束手翹思軍壘埽煙塵

尋春

地經兵燹氣蕭森律報春回試遠尋竹外人家佃山觜花
前漁舸劃江心橋亭細雨錫簫度野寺斜陽梵磬沈此日
故園如好在開窗應已碧茸深

聞天甯寺大鐘為賊所燬

小劫祥金鑄寇兵蒲牢從此化長鯨難忘半世寒窗伴一
穗燈邊百八聲

蝸寄室春感四首

七十生朝作

年當服政早懸車不分頽齡轉僦居
谿友園翁相問訊女
桑孫竹且依於隔村黃鳥催攜酒當戶
青山伴著書七十
平頭賸皮骨國憂家難待何如

自判行藏漫問天忤時情性合迤邐蒼生定已忘安石
明主何曾棄浩然林下遺榮慙盛際草閒偷活恨餘年羨
他朝市終身隱軒蓋能無世慮牽

早歲雲程展褭蹄餘生蛇足更羈栖
道通施厲原為一憂
至彭殤亦可齊枉許丹心照青簡空教白髮噉黃齋

先朝元老今誰是

謂勤威

容易東南靖鼓聲

異縣何因盡室移苟全性命賴相知數椽水牘山殘處半
壁天荆地棘時謝澹雲霞交漸洽孟郊苔蘚疾休醫春衣
典後樽常滿還有鄰翁喚隔籬

初夏

滄江佇返米家船流寓何心到隔年易換風光行藥地難
收雨氣熟梅天疇平始見馳秧馬山冷猶聞響杜鵑帶甲
人歸須報我可能城堡絕烽煙

柴門

雁宕天台一徑通柴門跼步惜衰翁山林氣洽潛藏後兒
女情深患難中蠶屋雨添桑甚紫鷺塘煙靨藕花紅當前

詩景聊堪繪塵劫消時逗化工

晚步谿上過方氏園林小酌

晚動追涼興出家雨過天山橫飛鳥外漁唱落霞邊石髮
易侵席谿毛不論錢底須河朔飲星酌共陶然

新雁幾時到長空如此青疎鐘沈遠水高樹接秋星生脫
刀兵劫談資未耜經停杯祇惆悵垂白尚飄萍

雨後夜風甚大

撼屋狂飊夜不停有家相對奈飄零樹聲隔巷混寒犬星
影穿籬紛溼螢帙亂禁繙芸閣祕燈昏疑閃草堂靈荒郊
遠近無更漏拌坐通宵醉醪醢

移寓小四明洞天

客殘合聽主人辭老屋西風落葉時生業荒於元亮徑秋

容瘦似閩仙詩計輸狡兔營三窟情愜鷓鴣借一枝五字

標頭新額好洞天還繫竹洲思

史真隱之四明洞天在月湖竹洲與余家南北相望

人日赴葛某約

任道龐公嬾入城春風已倩杖頭迎

昨日立春

不知前礪梅開

未酒熟茅堂鳥一聲

門人方琴軒招飲

方干別墅乍招邀引過塘東路幾條巷入遙山低似屋谿
橫老樹曲成橋經年避地鄰難買嚮夜論文酒易消脰鼈

烹羔太情重笑儂浪迹侶漁樵

五月初三起程回郡越宿抵家

一路青山向客辭登舟南渡夕陽遲自疑海外坡仙返烏

喙驚人泗水時

隨歸一黑犬奉化寓中所畜也

埽墓歸舟中午食示華章兩兒

挈榼當亭午移船就樹陰山邱餘俯仰天地極蕭森頽矣

酒邊髮炯然泉下心應憐爾兄弟相對泣霑襟

華兒將北上即辭其

生母墓停舟處與墓相望故云

南湖

在竹嶼煙

南湖峙雙嶼飛翠壓輕舸盪出沙鷗外斜陽一岸高詰人

聞世事款客謝春醪歸路看漁子青鰕月底撈

讀文丞相集

鼎魁公輔總堪哀取義成仁卻快哉燕市衣冠無北面吳
天風雨有西臺當時閱劫紅羊盡終古愁人白雁來讀罷
殘編增感觸冰槎一集

吾鄉張忠烈公著

傍燈開

支離

老去益支離違時兒女知畏人談世事強客誦吾詩儘謝
筇三尺難拋筆一枝坐餘邀暮色日落故遲遲

與及門應小蘆孝廉

宗椒

夜話隨手記之

命途已較昔時舛世事聊隨今日過老我生涯煙水冷故

人天末雨風多

中酒槎枒肝膽露憶書恍惚夢魂離年來以此消長日世事安知有盡期

乍榮乍悴周還始人事原來草木同日涉小園成見慣朔風何必異東風

秋夕小有木天作

秋暑蒸人不可逃舉頭俄與墨雲遭雨聲背後激飛箭絕勝麻姑癢處搔

對鏡畫照戲題

無限人間笠屐圖風流得似老坡無諒成七百餘年例學

步何爭一小夫

二月十六日埽墓舟行自石塘抵潘壘

單椒秀澤藏春雨煖翠浮嵐入午晴記取清明上河景一
年一度畫中行

書粵警

五管藏殊險羣公耐積疲早令豺虎伺慣受犬羊欺嘯聚
競前敵遷延儘後期

廟謨殷擇帥埽穴定何時

不有狄樞使崑崙那奪關波濤翻荔浦烽火徹松山

修仁縣地

邪孽生心易頽綱措手艱憤深思蹶起杖策赴行間

楚粵連戎馬

粵西之賊繼去秋楚匪而起

經年少揮書大星隕武帳雕

蜺互寒墟銅柱功名杳金城保障虛

頃復失永安州

凋枯寰海慮

奚止罄邊儲

閉戶

渾忘何日息交游閉戶頻年儘自由老去耽書逾麴蘖生
來避俗等仇讐啟期有分兼三樂平子無端集四愁在世
此身終是患海山兇率見招不

題柳如是妝鏡

鏡甚古當是六朝時物

龍紐交蟠鳳綵雕古時月樣未全消就中但惜真娘面粉

顰脂汗送六朝

秋水堂前鑒古精
土花剔後轉晶瑩
玉臺靜對應歡喜
眉櫳能傳妾姓名

空中色相悟非遲
佛果居然證辟支
抱得貞心堅似鐵
磨甑曾費幾多時

春晚

一枝婪尾玉瓏玲
襯得盈階草色青
更欲留春向晴晝
桐花小鳳繞窗櫺

花落顛風不解憐
任依胡蝶草頭眠
凭闌祇是多根觸
斜照催人到暮年

一鑑軒感懷盛藕塘司馬

曾期十日飲平原華屋西頭悵此軒花落有情生水暈客
來無語聽禽言六時鏡檻餘芳在半畝銀塘衆綠繁昨夜
故人還入夢依稀消渴臥文園

杜老

杜老移官豈至尊當時禁苑早知名暗遭腹劍成三黜閒
託毛錐了一生開濟何人能活國亂離無日見休兵金光
門外長辭後垂暮丹忱繫玉京

盛小石藕生蓮君春元諸姻好排日招飲

習家池上好樓臺領略風光首夏纔蕉額齊檐妨燕入蓮
鬢拂水引魚來坐消長日頻開卷陳說平生數舉杯徧飲

芳筵慙汰甚還叨晨夕饋楊梅

有感

軍國憂危繫草萊高天仰望思悠哉批鱗儘上匡時策掣肘難為命世才諸將捷音稽露布六官成例抗雲臺由來人事無終極會見蒼穹弭禍災

程晴峯同年失事謫戍詩以慨之

失守連圻奈

國何投荒萬里敢云苛祇憐白首無家別

聞閩署眷屬被害

布轍

青鞵去荷戈

有寄

國計咨謀到里兒，世情概見不勝悲。
陶猗猶靳輪軍餉，蹻偏稱舉義旗。
座上風生三尺喙，鏡中雪染數莖髭。
老夫憔悴曾何恤，祇望安心下地時。

梧桐院題壁

夏月人倚檻，桐花滿地堆。
秋宵風捲地，梧葉逐人來。
向後無花葉，幽人伴是誰。

九月二十一日舟抵石塘口占示會兒

百年身世付漁樵，認取桃源路一條。
嫋嫋西風迴櫂處，青山紅樹六和橋。

歲暮釀熟獨酌書齋適聞各處奏捷喜而賦此

殘寇難容喘更延餘生且以酒為年青春有日迴天地黃
卷終朝對聖賢往事追思如隔世舉家常聚擬登仙昨宵
夢已華胥近準續堯夫擊壤篇